

# KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

**RAJAKO MUKUT STIKANI**

2 Raja. 11:1-21

## GOLPO...



**A**thalia, Judani ka-namgijagipa rani, uni ma-gipa Jezebelna bateba namjatachim. Jensalo uni depante Ahazia siahaon, uni biapko ra-nasigipa pilak uni su-giparanko so-otoke songnoko bakan ra-seke an-tangni sasono donaha. “Indiba Ahaziahni nogipa, ... Jehosheba Ahaziani depante Joashko rime, ... uamang uko donnuaha, aro ua so-otako man-jaha. Aro ua Jihovani noko bilsi dokna kingking dongnuako man-e ua sangipa me-chik baksa ong-achim. Aro Athalia a-songni kosako rani ong-aha.” 2 Rajarangna 11:2, 3.

Bilsi dokna kingking jakchomsa ka-dongchakna man-gipa manderangan raja bi-sani donganiko aro Isolni noko donnuako u-ina man-aha. Jehoiada, dal-gipa kamal, chadambe Joashna ka-saaha aro an-tangni depante gitan skie ranta ka-aha. Bilsi dokna Jehoida uko tariaha aro rajani depanteko mesokna nambata somoina bi-aha. Bon-chotao budewa kamal kotokni ka-dongchakgipa subidarranko okame Ahaziani depante chonbatgipako tangkuenga ine mesokaha. Uamang Sukrobar attam sokkujana kingking senge dongna mangsongaha, jedakode Neng-takani salo torom nokona olakkina re-bagipa bebegipa manderangna raja panteko mesokna man-gen. Samtangtangchi ritcha sipairang baksa, Jehoiada Daudni singhasono ong-riknasigipako manderangni mikkangona rimbaaha aro uko mesoke on-aha. A-bachengode manderang jagokman-pilahachim, indiba jensalo uni skoo mukutko nikahaon, “uamang an-tangtangni jakparanko doke inaha, Raja tangbangchina!” 2 Rajarangna 11:12.

Da-o denggu Athalia singgarangni gam-aniko aro pilak manderangni inchroaniko knaahaon, ua torom nokona daribaaha aro uni ka-mikenate sason ka-aniara bon-atako man-aha ine ma-sina gita man-aha. Ua salon ua aro uko ja-rikgiparang so-otako man-aha, aro Joasna songnokko on-pilaha. Sastro an-chingna agananiko dakaha je saggipin Daudni depante ru-utgijan salgini torom nokoni An-tangni songnokko man-rikna aro dengguranko nisiatna ong-katbagen.





**U-IE RA-ANI:** Ian ma-sisretjana gita namen rongtalbea. Janggi tanggipa mande sakantian, toromi ba papi pilakan Jisuni a-gilsakona re-bapilaniko nikgen. Isolni manderangko “sriksrik dake rimdoaniko” Sastroo talatja.

## 5. Jisuni aramranggo re-bapilanio sawarang Unbaksa ong-gen?

**Mati 25:31** *Jensalo Mandeni Depante an-tang rasonggo re-bagen, aro Unbaksa pilak re-bagen, unsalo ua an-tangni rasongni singhasono asonggen.*

**U-IE RA-ANI:** Gitelni re-bapilani teng-suani hydrogen bomni teng-anina bateba batgen. Jisuni goprano, saksa sa-greni teng-ani nitimenggipa pilak Romeni sipairangko sigimin manderang gita a-aona ga-akataha. (Mati 28:2-4). Pilak salgini sa-grerangni teng-anian Jisuni gnigipa re-bapilanio teng-batatgen jekon darangba nikkijan ong-jawa. Unbaksana Jisuni aro Pagipani rasongko nikgen (Luk 9:26). Jisuni gnigipa re-bapilaniko mikka riprapa jedake salaramchini ong-kata, aro uko saliramchina nika gita nikna man-gen (Mati 24:27).

## 6. Jisuni re-bapilanio teng-aniara tange donggipa papirangna mai ong-gen?

**2 Thessalonikarangna 1:6** *Maina Isolko u-gijagiparang aro an-chingni Gitel Jisuni nama kattako manigijagiparangna jakbikpilaniko on-e, an-tangni bilni sa-grerang baksa Gitel Jisu parape-a.*

**2 Thessalonikarangna 2:8** *Aro unon ua niam pe-gipa parape-ako man-gen, aro uko Gitel Jisu uni ku-sikni balwachi nisigen aro uni re-baani mikkang pa-achi*

## 7. Jisuni re-bapilanio sie dongsogipa toromirangna mai ong-gen?

**1 Thessalonikarangna 4:16** *Unon Kristoo sigiparang skang*

## 8. Ia somoio, tange donggipa aro chakatpilatako man-gipa toromirangna mai ong-gen?

**1 Korinthirangna 15:52, 53** *Sigiminrang gimagijani ong-e chakatatako man-gen aro an-ching dingtang man-gen. Maina gimagnigipa gimagijaniko ganna, aro ia signi sigijaniko ganna nanggen.*

**U-IE RA-ANI:** Da-o Isolna agre darangba sigija ong-na man-ja (1 Timothy 6:15, 16). Indiba Jisuni re-bapilanio iako toromirangna indin on-ani gita on-gen. Uamangni be-en bimangrangba Jisuni gita rasongtangni be-en gita bimang dingtang dakgen. (Philippirangna 3:20, 21).

# LESSON 1

## 9. Bimang dingtangani ja-mano, toromirangna mai ong-gen?

**1 Thessalonikarangna 4:17** *Unikoa an-ching tanggiparang, dongpitigiparang, bangbango Gitelko grongna damsang . Aro uandake an-ching pangnan Gitel baksa ong-gen.*

**U-IE RA-ANI:** Isolni toromirang Gitelko bangbango gronggen. Jisu Uni re-bapilanio a-ako ga-dapjawa, uni gimin bang-ani bebera-ani gita Ua a-gilsakna mikkang pa-jawa. Uni gnigipa re-bapilaniara bangbango mikkang pa-anisa ong-gen, ian a-gilsako mikkang pa-ani ong-jawa.

## 10. Mai nangchongmotgipa mikrakataniko Jisu An-tangni re-bapilani gimin on-aha?

**Mati 24:5** *Maina bang-en angni bimungo re-bae agangen, “Angan Kristo,” aro*

**Mati 24:24, 26** *Maina Krisito dakgiparang aro ong-kate dal-a chinrang aro aiao inmananirangko mesokgen aro ong-na man-ode segiminrangkoba . Uni gimin, Nibo, ua bakrao gnang ine uamang na-simangna aganode, re-ongkatnabe; Nibo, ua nokdringko gnang ine inode!*

**U-IE RA-ANI:** Satan an-tangko bimang dakjee Kristoko a-gilsakona gnigipa re-bapilenga gita rasongni bimango re-bagen, aro ua billion manderangko brangatgen. Jisu an-chingna mikrakataniko on-aha je Uni gnigipa re-bapilanio Ua a-ako ga-dapjawa, indiba bangbangosa gronggen. Satanni tol-nappipa ching-anian bang-a manderangkon brangatgen.

## 11. Maiasa toromirangko indakgipa brangataoniko champenggen?

**Isaia 8:20** *Niam aro sakichina hai! uamang aganjaode, beben uamangna mamung seng-baa dongja.*

**U-IE RA-ANI:** Isolni manderang brangatako man-jawa, maina uamang maikai Jisuni re-bapilani ong-genchim Isolni Kattako poaraioniko u-igen (Watatarangna 17:11). Je re-baanian Sastroni gita melijaode tol-napanisan ong-aia aro jegalna nangchongmota. Jisu an-chingna mikrakatsamsoaniko dakaha. Mati 24:25 Nibo, anga na-simangna agansoaha.

## 12. Kristo dakgipako re-ange grongena an-chingna naljokani dongama?

**Mati 24:26** *Uni gimin, Nibo, ua bakrao gnang ine uamang na-simangna inode!*

### 13. Jisuni re-bapilani somoini gimin maiko an-ching u-ina man-a?

**Mati 24:36** *Indiba ua sal aro kontani gimin u-ija, salgini sa-grerangba u-ija, ang Pagipa mangmang u-iaria.*

**Mati 24:33** *Uandake na-simangba, jensalo ia pilakkon na-simang nika, uan sepangaba, sokbaaha ine u-ibo!*

**U-IE RA-ANI:** Isol mangmangan gnigipa re-bapilani gimin tiktak somoiko u-ia. Pilak somoi kapaniara Sastro baksa apsan ong-ani nalsao ong-a. Indiba Jisu rongtalen aganaha je jensalo an-ching Uni re-baani chinrangni chu-sokaniko nikon, an-ching u-ina man-gen je Uni re-bapilaaniara namen sepangbeaha (Mati 24:4-51; Luk 21:8-33; aro 2 Timothy 3:1-8) – cholgugaona sokbaaha.

### 14. Jisuni gnigipa re-bapilano sa-grerang maiko dakgen?

**Mati 24:31** *An-tangni sa-grerangko ..., aro uamang balwa dambrioni, chong-motan salgini chon-kamaona, uni segiminrangko .*

**U-IE RA-ANI:** Nang-ko nitingipa sa-grean (Mati 18:10) Jisuni re-bapilano nang-ko skang grongchegnaba donga. Mairongpilgipa namgipa chanchianiko ong-ataha! Sastro gnigipa re-bapilano “kusi ong-ani ka-dongani” (Titus 2:13) ine agananiko dakaha.

### 15. Jisuni gnigipa re-bapilanina skang an-ching dongengon, maikai ia nangchongmotgipa, rasongni somoina an-chingni kamara nangrimani dongna nanga?

**Mati 24:44** *Uni gimin na-simangba , maina na-simangni chanchisogijan salo Mandeni Depante re-baa.*

### 16. Maikai Jisuni re-bapilano manderang boksisko man-gen?

**Parape-a 22:12** *Nibo, anga bakkak re-baa; aro uamangni gita sakantina on-na ine angni on-gni dormaha ang baksan.*

**U-IE RA-ANI:** Manderang ka-sachakachisa jokatako man-gen indiba uamangni cholono pangchake boksiko man-gen, uamangni kam ka-anirango ong-ja (Mati 7:21-23).

# LESSON 1

## 17. Jisuni re-bapilano denggurang maiko agangen?

**Parape-a 6:15-17** *Aro a-aoni rajarang, aro dal-giparang, aro hajalni pamongrang, aro man-e cha-giparang, aro bilakgiparang, pilak nokol aro jakgitelrang, a-kolrang, aro a-brini rong-grimrango an-tangtango donnuaha, aro uamang a-brirangna aro ro-ongrangna, aganaha, Chingni kosako ga-akbo, aro ua singhasono asonggipani mikkangoni, aro Mes Bi-sani ka-onangaoniko chingko donnubo! Maina uamangni ka-onangani dal-gipa sal sokbaaha aro ama?"*

**U-IE RA-ANI:** Ia bon-kamgipa dal-gipa banggriani somoio, denggurang dil-dilgokgok dake kenjagokatako man-gen aro Raja Jisuni mikkangko nikna tariani pal rong-kolrangno donnuna katgen aro a-brirangna aro ro-ongrangna an-tangtango ga-akjetchina agangen.

## 18. Jisuni re-bapilano toromirang maiko aganskagen?

**Isaia 25:9** *Nibo, ian an-chingni Isol; an-chinga una sengsoaha, aro ua an-chingko , ... an-chinga katchagen aro uni jokatanio katchagen.*

## 19. Mai mongsonggipa miksonganina Jisuni gnigipa re-bapilani ong-a?

**Johan 14:3** *Indide re-bapile na-simangko An-tangona ; maikai anga jeo donga, na-simangba unon dongna man-gen.*

**U-IE RA-ANI:** Jisuni a-gilsakona re-bapilna miksonganiara An-tangni dedrangko rasongni nokona rimna miksonganian ong-a jekon uamangna Ua tarisoaha. Uano jringjrotna grapani, kalimani, saknaanirang dongjawaha. Indiba jringjrotna katchaani, aro tom-tomani dongskagen.

# NANG-NI AGANCHAKANI

*Jisu ru-utgijan aramrango re-bagen. Da-o na-a Uko grongna aro tarina miksongjawama?*

**AGANCHAKANI:**

# PORAIDAPANI

*Ia bak poraidapaniko dakna u-iatdapaniko on-a.*

## **Sriksrik Rimdoani Gimin Skiani**

Sriksrik rimdoani gimin skiani mingchet niamrango pangchakaha jekon bang·a manderang dikdiksa dondike sandianiko dakgija ra·chakaha. Indioba, an·chingni naljokanide uarang ong·ama ong·ja salantio Sastroni kattarangko sandianichisan mangmang ong·a (Watatarangna 17:11). Sriksrik rimdoani gimin mingchet skianiara iarangan ong·a:

1. Sriksrik dake rimdoaniara jrip dake rimdoani ong·a.
2. Sriksrik rimdoaniko nikna man·ja.
3. Sriksrik rimdoanio dengguarangko tange rakkia.
4. Isol toromirangko dukrangko chagrongaoni rakkina uamangko rimanga.
5. Kristoni gnigipa re·bapilaniara gadanggni donga: (1) Sriksrik dake rimdoani, aro (2) Rasong chabee, chong·mot ong·e re·baani ong·gen.
6. Ia Gnigipa Re·bapilani gnigipa gadangranga bilsni sni chel·tanggrikgen.
7. Sriksrik rimdoaniara Kristo dakgipako parape·na skang ong·gen, jean dukrangko ra·bagen.
8. Denggurang ia obostao gnigipa changna gisik pil·na aro Kristona dangdike on·na cholko man·gen.

Iani gimin chu·gimik dake sandianiko daknade ia on·dapgimin u·iatanirangde chu·ongja indiba chinga mingprakprak chanchianina iano kan·dike talatgen. Sagipa aro gnigipa chanchianirangko ia lesson man·aha, indiba uarangko talapatna janapaniko daktaiaha. Mitam aiao inmananirangna taribo!

1. Sriksrik rimdoaniara jrip ong·jawa, indiba gam·bee inchroani donggen. Sastro agana Jisu “INCHROANI baksa, PAMONG SA·GRENI KU·RANG baksa, ISOLNI SINGGA gnan” salgioni ong·onbagen. 1 Thessalonikarangna 4:16, talapatapaniko dakaha. Daud agana, “An·chingni Isol re·baa, aro jrip dongja: uni mikkango wa·al cha·minoka, aro uni pilakchin balmikka ta·raka.” Gitrang 50:3. Aro Jeremia agana, “Jihova chuaoni randinggen, ... Ua bilake randinggen ...; A·gilsakni ku·chotona kingkingan gam·a re·bagen.” Jeremia 25:30, 31. Mamungan jrip dongani dongja! Kristo inchroa baksa re·bagen aro a·gilsak gimikchin knagen. Iako namedake gisik ra·bo. Na·a Uni re·baona tangkuode, na·a Uni re·baaniko knagen. Nang·ni nachilrangno dukni ga·mani baksa gam·gen.
2. Sriksrik rimdoani nikna man·gija ong·ja; iako pilakan nikgen. Pilak sa·grerangan Jisu baksa re·bagen (Mati 25:31). Jisuni chakatpilanio saksa sa·gre mikkang paaha, aro uni ching·aniara inditan bilakgipa chingani ong·aha Romeni sipai kotok gimikan sigimin manderang gita a·ao ga·akaha. (Mati 28:2-4). Salgini sa·grerangni aiao inmanpilgipa teng·ani gimin chanchiate nibo! Sa·grerangni teng·ani baksa chandapatode Jisu An·tangni rasong (Mati 25:31) aro Uni Pagipani rasongan ong·gen (Mati 16:27). Teng·suaniara jagokmanpilani ong·gen. Jisu indine agandapaniko dakaha, “Maina mikka riprapa

# LESSON 1

jedake salaramchini ong-kata, aro uko saliramchina nika, uandake Mandeni Depanteni re-baa ong-gen.” Mati 24:27. Sriksrik ong-genma? Indakede chanchiatna man-ja. Bebeko aganchimode, Sastro iani gimin pangnajolna indine agane matchotataniko dakaha, “Nibo, Ua aramrango re-baenga; aro pilak mikron, aro uko su-giparang uko nikgen.” Parape-a 1:7. Jisuni gnigipa re-bapilaniona na-a tange dongode, Uni re-bapilaniko na-a nikgen ine ka-dongataniko on-aha!

3. Sriksrik rimdoani denggu manderangko tange wate donangjaha. Uamang Gitelni re-baanio nisiataniko man-gen (Isaia 11:4; Malaki 4:1; 2 Thessalonikarangna 2:8).
4. Isol toromirangko dukrangoniko ra-galjaha, indiba batesa uamangko uarangoniko chelchaka (Gitrang 91:5-12).
5. Kristoni gnigipa re-bapilaniara gadanggni dake ong-jawa—mingsara sriksrik dake re-baani aro minggipinara pilakan re-baaniko nikgen. Gnigipa re-bapilani changsasan ong-gen, aro iako a-gilsako donggipa sakantian nikgen. Sastroo rokom gni dake gnigipa re-bapilani gimin skija.
6. Rokomgni dake sriksrik rimdoani gimin skigiparang Kristoni re-bapilaniko bilsi dni dintanggrikani donggen ine skianiko daka. Ian Sastroni gita skiani ong-ja.
7. Antichrist (Tol-gipa Kristo) gnigipa re-bapilani ja-mano bilsi gittam adhana mikkang pa-jawa. Ua ritcha bilsirangna kamko bilaken ka-engaha (1 Johan 4:3) aro an-tangni namgija kamko da-oba ka-engaha.
8. Gnigipa re-bapilani ja-mano denggurangna gnigipa changna jokna cholko man-jawaha. Pilak papirangan gnigipa re-bapilano nisiataniko man-gnok. Jisuni gnigipa re-bapilano darangba gnigipa changna jokna cholko man-taijawaha.